

究竟極果也亦名究竟覺一切種智即三智之一也昔圭峯疏圓覺以一切種智釋圓明賢首述還源由圓明而證菩提今文謂具一切種智而成菩提者通而辨之雖發辭小異而歸宗大同也若依起信有大智用無量方便乃至得名一切種智皆屬同教又按昭信鈔文叙五教機各成菩提唯取圓宗以因果二門相攝即別教耳

入涅槃第十

見師子與金二相俱盡煩惱不生

二相俱盡所觀境空也煩惱不生能緣心泯也內外雙亡玄寂著矣

好醜現前心安如海

新記云如金作器巧拙懸殊即好醜現前也記次文云一以貫之唯金究竟即心安如海也上句覆疏二相俱盡下句覆疏煩惱不生

妄想都盡無諸逼迫出纏離障永捨苦源名入涅槃

或業都盡無集諦之妄想也三苦皆亡無苦諦之逼迫也無漏智發出纏離障則道諦已修也解脫自在永離苦源則滅諦已證也入者了達解悟之名涅槃義翻圓寂經云流轉是生死不動名涅槃然涅槃一

章誠難華之淵藪故晉譯寶王性起而搜玄探玄鈎深以索隱唐翻如來出現則舊疏新記聯芳而續跋且高麗國中斯文尚備而傳授不絕況此諸部盡出中華碩諸後昆求師鑽仰同報雲華賢首清涼圭峯之勛重德耳

金師子章雲間類解

金師子章雲間類解
校勘記

- 一 底本，明永樂南藏本。
- 一 二九五頁上一行「并序」，徑無。
- 一 二九五頁上二行「晉水沙門淨源述」，清無。
- 一 二九五頁上一〇行「清源止觀禪師」，清作「清涼澄觀禪師」。
- 一 二九五頁上末行末字「序」，清作「晉水沙門淨源序」。
- 一 二九六頁中一五行第九字「推」，清作「惟」。